



საქართველოში ევროპის კავშირის დელეგაციის ხელმძღვანელს
საგანგებო და სრულფლებიან ელჩს **ფილიპ დიმიტროვს**

საქართველოში ამერიკის შერთებული შტატების საგანგებო და
სრულფლებიან ელჩს **რიჩარდ ნორლანდს**

ევროპის საბჭოს კონგრესის პრეზიდენტის
ბატონ **კეის ვიტმორს**

ევროპის საბჭოს კონგრესის გენერალურ მდივანს
ბატონ **ანდრეს კიფერს**

ეუთოს გენერალურ მდივანს
ბატონ **ლამბერტო ზანიერს**

ევროპის რეგიონთა კომიტეტის
პრეზიდენტს ბატონ **რამონ სისოს**

აღმოსავლეთ პარტნიორობის ქვეყნების რეგიონული და
ადგილობრივი ხელუფლებათა მუდმივმოქმედი კონფერენციის
თანათავჯდომარეს **დორინ კრისტოაკას**

ეუთოს მოკლევადიანი სადამკვირებლო მისიის
სპეციალურ კოორდინატორს ბატონ **ტონინო პიკულას**

ევროპის რეგიონთან და მუნიციპალიტეტთანა საბჭოს
გენერალურ მდივანს ბატონ **ფრედერიკ ვალიერს**

საჯარო გამოქვეყნებისთვის

**საქართველოს ადგილობრივი თვითმმართველობის
ეროვნული ასოციაციის მიმართვა**

5 ოქტომბერი 2012

ბატონებო და ქალბატონებო

2012 წლის 1 ოქტომბერს საქართველოში ჩატარდა საპარლამენტო
არჩევნები, რომელიც საერთაშორისო საზოგადოების მიერ
შეფასებული იქნა როგორც სამართლიანი, დემოკრატიული და
თავისუფალი. ამ არჩევნების შედეგად პირველად საქართველოს
ისტორიაში მოხდა ხელისუფლების მშვიდობიანი ცვლა, რაც
ერთადერთი შემთხვევაა პოსტ საბჭოთა სირცხულე და იგი

წარმოადგენს ქართველი ხალხის საერთო წარმატებას მიუხედავად პარტიული კუთვნილებისა.

საპარლამენტო არჩევნების შედეგების გამოცხადებისთანავე გამოიკვეთა მეტად საშიში ტენდენცია, კერძოდ არჩევნებში გამარჯვებული კოალიციის “ქართული ოცნება” წარმომადგენლების მხრიდან ადგილობრივი თვითმმართველობის ორგანოების თანამდებობის პირებსა და თანამშრომლებზე ზეწოლის და მუქარის ფაქტები. საქართველოს ადგილობრივი თვითმმართველობის ეროვნული ასოციაცია, რომელიც წარმოადგენს საქართველოს ყველა მუნიციპალიტეტისა და თვითმმართველი ქალაქის ეროვნულ ხმას, მოთმინებას იჩენდა ასეთი ფაქტების მიმართ. მივიჩნევდით, რომ ეს იყო გამარჯვებული კოალიციის აქტივისტების ვოლუნტარული ქმედება, რომელიც გამარჯვების ეფიორიასთან ერთად გადაივლიდა.

ჩვენი მოლოდინის საპირისპიროდ, მოხდა კიდევ უფრო მძიმე ფაქტი. 2012 წლის 5 ოქტომბერს, დაახლოებით 4 საათსა და 50 წუთზე. მარნეულის მუნიციპალიტეტის ადმინისტრაციულ შენობაში კოალიცია “ქართული ოცნების” ადგილობრივმა მხარდამჭერებმა მუნიციპალიტეტის ხელმძღვანელობას მოსთხოვა დაეცალათ საკუთარი კაბინეტები და მათთვის დაგდაებარებინათ ძალაუფლება. ამ მუქარას მოყვა მუნიციპალიტეტის გამგებლისა და სხვა პირების ფიზიკური შეურაწყოფა, რის შედაგადაც მუნიციპალიტეტის გამგებელი და ერთი თანამშრომელი მძიმე დაზიანებებთ მუნიციპალური საავადმყოფოში იქნა გადაყვანილი.

ჩვენმა ასოციაციამ ამ ინციდენტის შესახებ ინფორმაცია მიიღო 5 საათისთვის, ჩვენ შევხდით როგორც მუნიციპალიტეტის თანამშრომლებს ასევე საავადმყოფოში მოვინახულეთ დაშავებული გამგებელი. მათ დაგვიდასტურეს კოალიცია “ქართული ოცნების” წევრების შემოჭრა მუნიციპალიტეტის ადმინისტრაციულ შენობაში და მათი არაკონსტიტუციური მოთხოვნა საქმიანობის შეწყვეტის შესახებ. მოგვიანებით იგივე ფაქტი დაადასტურა მაღალი ავტორიტეტის მქონე სამმა ქართულმა არსამთავრობო ორგანიზაციამ: “ახალგაზრდა იურისტთა ასოციაცია”. “საერთაშორისო გამჭვირვალობა საქართველო” და “სამართლიანი არჩევნებისა და დემოკრატიის საერთაშორისო საზოგადოება” (ინფორმაცია იხილეთ ბმულზე <http://www1.interpressnews.ge/ge/politika/216643-arasamthavroboebis-informaciith-marneulis-gamgeobashi-momkhdari-incidenti-qqarthuli-ocnebisq-aqtivistebis-mier-iyo-provocirebuli.html>)

საქართველოს ადგილობრივი თვითმმართველობის ეროვნული ასოციაცია გამოთქვამს უკიდურეს აღშფოთებას მომხდარი ფაქტის გამო. ჩვენ განვუმარტავთ კოალიცია “ქართული ოცნების” ყველა წევრს, რომ ადგილობრივი ხელისუფლების ორგანოები განეკუთვნებიან საჯარო ხელისუფლების ცალკე შტოს. მათი დამოუკიდებლობა, საქმიანობის ვადები და ადგილობრივი მოხელეების სტატუსი დაცულია საქართველოს კონსტიტუციითა და ადგილობრივი თვითმმართველობის ევროპული ქარტიით. ამრიგად, კოალიცია “ქართული ოცნების” წევრების ქმედებას განვიხილავთ როგორც ადგილობრივი ხელისუფლების მიტაცების ანტიკონსტიტუციურ ქმედებას, რაც დასჯადია საქართველოს კანონმდებლობით.

ვაცნობიერებთ რა, რომ ადგილობრივი ხელისუფლების წარმომადგენლებზე ზეწოლის ფაქტებმა სისტემატიური სახე მიიღო; ვხედავთ რა, რომ სახეზეა მცდელობა ცენტრალურ დონეზე ხელისუფლების მშვიდობიანი გადაცემა გადაზარდონ ადგილობრივი ხელისუფლების მიტაცების ანტიკონსტიტუციურ პროცესად, ვაცხადებთ - საქართველოს ადგილობრივი თვითმმართველობის ეროვნული ასოციაცია წინ აღუდგება და რეაგირებას მოახდენს ყველა ასეთ შეთხვევაზე.

ჩვენ მოვუწოდებთ საქართველოს ცენტრალურ ხელისუფლებას არ დაუშვას მსგავსი ანტიკონსტიტუციური აქტის განმეორების შესაძლებლობა. ასვე მოგმართავთ თქვენ, მაღალი მანდატით აღჭურვილ საერთაშორისო ორგანიზებისა და დიპლომატიური მისიების წარმომადგენლებს რათა მოუწოდოთ კოალიცია "ქართულ ოცნებას" და მათ მხარდამჭერებს პატივი სცენ ადგილობრივი თვითმმართველობის ორგანოების კონტიტუციურ უფლებებსა და გარანტიებს. დარწმუნებული ვართ თვენი მკაფიო პოზიცია თავიდან აგვაცილებს შემდგომ ექსცესებს